

王 维 全 集
孟 浩 然 集

出版社

王维全集

(唐) 王 维 著

卷一 古诗十首

奉和圣制天长节赐宰臣歌应制

太阳升兮照万方，开闾阖兮临玉堂。俨冕旒兮垂衣裳，
金天净兮丽三光。彤庭曙兮延八荒。德合天兮礼神遍，灵芝
生兮庆云见。唐尧后兮稷鉞臣，匝宇宙兮华胥人。尽九服兮
皆四邻，乾降瑞兮坤献珍。

登楼歌

聊上君兮高楼，飞甍鳞次兮在下。俯十二兮通衢，绿槐
参差兮车马。却瞻兮龙首，前眺兮宜春。王畿郁兮千里，山
河壮兮咸秦。舍人下兮青宫，据胡床兮书空。执戟疲於下
位，老夫好隐兮墙东。亦幸有张伯英草圣兮龙腾虬跃，摆长
云兮捩回风。琥珀酒兮雕胡饭，君不御兮日将晚。秋风兮吹
衣，夕鸟兮争返。孤砧发兮东城，林薄暮兮蝉声远。时不可
兮再得，君何为兮偃蹇。



双黄鹄歌送别

天路来兮双黄鹄，云上飞兮水上宿。抚翼和鸣整羽族。不得已，忽分飞，家在玉京朝紫微。主人临水送将归，悲笳嘹唳垂舞衣，宾欲散兮复相依。几往返兮极浦，尚徘徊兮落晖。岸上火兮相迎，将夜入兮边城。鞍马归兮佳人散，怅离忧兮独含情。

赠徐中书望终南山歌

晚下兮紫微，怅尘事兮多违。驻马兮双树，望青山兮不归。

送友人归山歌二首

山寂寂兮无人，又苍苍兮多木。群龙兮满朝，君何为兮空谷。文寡和兮思深，道难知兮行独。悦石上兮流泉，与松间兮草屋。人云中兮养鸡，上山头兮抱犊。神与枣兮如瓜，虎卖杏兮收谷。愧不才兮妨贤，嫌既老兮贪禄。誓解印兮相从，何詹尹兮可卜。

山中人兮欲归，云冥冥兮雨霏霏。水惊波兮翠菅靡，白鹭忽兮翻飞。君不可兮褰衣，山万重兮一云，混天地兮不分。树暝暖兮氛氲，猿不见兮空闻。忽山西兮夕阳，见东皋兮远村。平芜绿兮千里，眇惆怅兮思君。



鱼山神女祠歌二首

迎 神 曲

坎坎击鼓，鱼山之下。吹洞箫，望极浦。女巫进，纷屡舞。陈瑶席，湛清醑。风凄凄兮夜雨。神之来兮不来？使我心兮苦复苦！

送 神 曲

纷进拜兮堂前，目眷眷兮琼筵。来不语兮意不传，作暮雨兮愁空山。悲急管，思繁弦，灵之驾兮俨欲旋。倏云收兮雨歇，山青青兮水潺潺。

白 黿 涡

南山之瀑水兮，激石砢瀑似雷惊。人相对兮不闻语声，翻涡跳沫兮苍苔湿。藓老且厚，春草为之不生。兽不敢惊动，鸟不敢飞鸣。白黿涡涛戏濑兮，委身以纵横。主人之仁兮，不网不钓，得遂性以生成。

酬诸公见过

嗟余未丧，哀此孤生。屏居蓝田，薄地躬耕。岁晏输税，以奉粢盛。晨往东皋，草露未晞。暮看烟火，负担来



归。我闻有客，足扫荆扉。簞食伊何，副瓜抓枣。仰厕群贤，皤然一老。愧无莞簞，班荆席稿。泛泛登陂，折彼荷花。净观素鲋，俯映白沙。山鸟群飞，日隐轻霞。登车上马，倏忽雨散。雀噪荒村，鸡鸣空馆。还复幽独，重欷累叹。



卷二 古诗三十首

扶南曲歌词五首

翠羽流苏帐，春眠曙不开。羞从面色起，娇逐语声来。
早向昭阳殿，君王中使催。

堂上青弦动，堂前绮席陈。齐歌卢女曲，双舞洛阳人。
倾国徒相看，宁知心所亲。

香气传空满，妆华影箔通。歌闻天仗外，舞出御楼中。
日暮归何处，花间长乐宫。

宫女还金屋，将眠复畏明。入春轻衣好，半夜薄妆成。
拂曙朝前殿，玉墀多佩声。

朝日照绮窗，佳人坐临镜。散黛恨犹轻，插钗嫌未正。
同心勿遽游，幸待春妆竟。

从 军 行

吹角动行人，喧喧行人起。笳悲马嘶乱，争渡金河水。



日暮沙漠垂，战声烟尘里。尽系名王颈，归来报天子。

陇西行

十里一走马，五里一扬鞭。都护军书至，匈奴围酒泉。
关山正飞雪，烽戍断无烟。

早春行

紫梅发初遍，黄鸟歌犹涩。谁家折杨女，弄春如不及。
爱水看妆坐，羞人映花立。香畏风吹散，衣愁露沾湿。玉闺
青门里，日落香车入。游衍益相思，含啼向彩帷。忆君长入
梦，归晚更生疑。不及红檐燕，双栖绿草时。

赠裴迪

不相见，不相见来久。日日泉水头，常忆同携手。携手
本同心，复叹忽分袂。相忆今如此，相思深不深？

瓜园诗

并序

维瓜园高斋，俯视南山形胜。二三时辈，同赋
是诗，兼命词英数公同用园字为韵，韵任多少。时
太子司议郎薛璩发此题，遂同诸公云。



余适欲锄瓜，倚锄听叩门。鸣驺导骢马，常从夹朱轩。
穷巷正传呼，故人倘相存。携手追凉风，放心望乾坤。
蔼蔼帝王州，宫观一何繁。林端出绮道，殿顶摇华幡。
素怀在青山，若值白云屯。回风城西雨，返景原上村。
前酌盈樽酒，往往闻清言。黄鹂转深木，朱槿照中园。
犹羨松下客，石上闻清猿。

同卢拾遗韦给事东山别业二十韵给事首春休沐 维已陪游及乎是行亦预闻命会无车马不果斯诺

托身侍云陛，昧旦趋华轩。遂陪鹓鸿侣，霄汉同飞翻。
君子垂惠顾，期我於田园。侧闻景龙际，亲降南面尊。
万乘驻山外，顺风祈一言。高阳多夔龙，荆山积率璠。
盛德启前烈，大贤踵后昆。侍郎文昌宫，给事东掖垣。
谒帝俱来下，冠盖盈邱樊。闺风首邦族，庭训延乡村。
采地包山河，树井竟川原。岩端回绮槛，谷口开朱门。
阶下群峰首，云中瀑水源。鸣玉满春山，列筵先朝暾。
会舞何飒踏，击钟弥朝昏。是时阳和节，清昼犹未暄。
蔼蔼树色深，嚶嚶鸟声繁。顾已负宿诺，延颈惭芳荪。
蹇步守穷巷，高驾难攀援。素是独往客，脱冠情弥敦。

和使君五郎西楼望远思归

高楼望所思，目极情未毕。枕上见千里，窗中窥万室。
悠悠长路人，暧暧远郊日。惆怅极浦外，迢递孤烟出。
能赋属上才，思归同下秩。故乡不可见，云外空如一。



酬黎居士淅川作

侬家真个去，公定随侬否？着处是莲花，无心变杨柳。
松龛藏药裹，石唇安茶臼。气味当共知，那能不携手。

奉寄韦太守陟

荒城自萧索，万里山河空。天高秋日迥，嘹唳闻归鸿。
寒塘映衰草，高馆落疏桐。临此岁方晏，顾景咏悲翁。故人
不可见，寂寞平林东。

林园即事寄舍弟穉

寓目一萧散，消忧冀俄顷。青草肃澄陂，白云移翠岭。
后浦通河渭，前山包鄢郢。松含风里声，花对池中影。地多
齐后疟，人带荆州瘵。徒思赤笔书，讵有丹砂井。心悲常欲
绝，发乱不能整。青簟日何长，闲门昼方静。颓思茅檐下，
弥伤好风景。

赠从弟司库员外

穉

少年识事浅，强学干名利。徒闻跃马年，苦无出人智。
即事岂徒言，累官非不试。既寡遂性欢，恐招负时累。清冬



见远山，积雪凝苍翠。皓然出东林，发我遗世意。惠连素清赏，夙语尘外事。欲缓携手期，流年一何驶。

座上走笔赠薛璩慕容损

希世无高节，绝迹有卑栖。君徒视人文，吾固和天倪。缅然万物始，及与群物齐。分地依后稷，用天信重黎。春风何豫人，令我思东溪。草色有佳意，花枝稍含萸。更待风景好，与君藉萋萋。

赠李颀

闻君饵丹砂，甚有好颜色。不知从今去，几时生羽翼？王母翳华芝，望尔昆仑侧。文螭从赤豹，万里方一息。悲哉世上人，甘此膾腥食。

赠刘蓝田

篱中犬迎吠，出屋候柴扉。岁晏输井税，山村人夜归。晚田始家食，余布成我衣。讵肯无公事，烦君问是非。

赠房卢氏琯

达人无不可，忘己爱苍生。岂复小千室，弦歌在两楹。



浮人日已归，但坐事农耕。桑榆郁相望，邑里多鸡鸣。秋山一何净，苍翠临寒城。视事兼偃卧，对书不簪纓。萧条人吏疏，鸟雀下空庭。鄙夫心所向，晚节异平生。将从海岳居，守静解天刑。或可累安邑，茅茨君试营。

赠祖三咏

騷蛸挂虚牖，蟋蟀鸣前除。岁晏凉风至，君子复何如。高馆阒无人，离居不可道。闲门寂已闭，落日照秋草。虽有近音信，千里阻河关。中复客汝颖，去年归旧山。结交二十载，不得一日展。贫病子既深，契阔余不浅。仲秋虽未归，暮秋以为期。良会讵几日，终自长相思。

春夜竹亭赠钱少府归蓝田

夜静群动息，时闻隔林犬。却忆山中时，人家涧西远。羨君明发去，采蕨轻轩冕。

酬王维春夜竹亭赠别

钱起

山月随客来，主人兴不浅。今宵竹林下，谁觉花源远。惆怅曙莺啼，孤云还绝徼。



戏赠张五弟綰三首

吾弟东山时，心尚一何远。日高犹自卧，钟动始能饭。
领上发未梳，床头书不卷。清川兴悠悠，空林对偃蹇。青苔
石上净，细草松下软。窗外鸟声闲，阶前虎心善。徒然万象
多，澹尔太虚缅。一知与物平，自顾为人浅。对君忽自得，
浮念不烦遣。

张弟五车书，读书仍隐居。染翰过草圣，赋诗轻《子
虚》。闭门二室下，隐居十年余。宛是野人野，时从渔父渔。
秋风日萧索，五柳高且疏。望此去人世，渡水向吾庐。岁晏
同携手，只应君与予。

设置守鳬兔，垂钓伺游鳞。此是安口腹，非关慕隐沦。
吾生好清静，蔬食去情尘。今子方豪荡，思为鼎食人。我家
南山下，动息自遗身。入鸟不相乱，见兽皆相亲。云霞成伴
侣，虚白侍衣巾。何事须夫子，邀予谷口真。

至滑州隔河望黎阳忆丁三□

隔河见桑柘，蔼蔼黎阳川。望望行渐远，孤峰没云烟。
故人不可见，河水复悠然。赖有政声远，时闻行路传。

秋夜独坐怀内弟崔兴宗

夜静群动息，蟋蟀声悠悠。庭槐北风响，日夕方高秋。



思子整羽翮，及时当云浮。吾生将白首，岁晏思沧洲。高足在旦暮，肯为南亩俦。

赠裴十迪

风景日夕佳，与君赋新诗。澹然望远空，如意方支颐。
春风动百草，兰蕙生我篱。暧暧日暖闺，田家来致词。欣欣
春还皋，澹澹水生陂。桃李虽未开，萸萸满其枝。请君理还
策，敢告将农时。

华 岳

西岳出浮云，积翠在太清。连天凝黛色，百里遥青冥。
白日为之寒，森沉华阴城。昔闻乾坤闭，造化生巨灵。右足
踏方止，左手推削成。天地忽开拆，大河注东溟。遂为西峙
岳，雄雄镇秦京。大君包覆载，至德被群生。上帝伫昭告，
金天思奉迎。人祇望幸久，何独禅云亭。



卷三 古诗二十三首

胡居士卧病遗米因赠

了观四大因，根性何所有。妄计苟不生，是身孰休咎。
色声何谓客，阴界复谁守。徒言莲花目，岂恶杨枝肘。既饱
香积饭，不醉声闻酒。有无断常见，生灭幻梦受。即病即实
相，趋空定狂走。无有一法真，无有一法垢。居士素通达，
随宜善抖擞。床上无毡卧，镬中有粥否。斋时不乞食，定应
空漱口。聊持数斗米，且救浮生取。

与胡居士皆病寄此诗兼示学人二首

一兴微尘念，横有朝露身。如是睹阴界，何方置我人。
碍有固为主，趣空宁舍宾。洗心讵悬解，悟道正迷津。因爱
果生病，从贪始觉贫。色声非彼妄，浮幻即吾真。四达竟何
遣，万殊安可尘。胡生但高枕，寂寞与谁邻。战胜不谋食，
理齐甘负薪。子若未始异，诂论疏与亲。



浮空徒漫漫，泛有定悠悠。无乘及乘者，所谓智人舟。
诂舍贫病域，不疲生死流。无烦君喻马，任以我为牛。植福
祠迦叶，求仁笑孔丘。何津不鼓棹，何路不摧殍。念此闻思
者，胡为多阻修。空虚花聚散，烦恼树稀稠。灭想成无记，
生心坐有求。降吴复归蜀，不到莫相尤。

蓝田山石门精舍

落日山水好，漾舟信归风。玩奇不觉远，因以缘源穷。
遥爱云木秀，初疑路不同。安知清流转，偶与前山通。舍舟
理轻策，果然惬所适。老僧四五人，逍遥荫松柏。朝梵林未
曙，夜禅山更寂。道心及牧童，世事问樵客。暝宿长林下，
焚香卧瑶席。涧芳袭人衣，山月映石壁。再寻畏迷误，明发
更登历。笑谢桃源人，花红复来覩。

青 溪

言入黄花川，每逐青溪水。随山将万转，趣途无百里。
声喧乱石中，色静深松里。漾漾泛菱荇，澄澄映葭苇。我心
素已闲，清川澹如此。请留盘石上，垂钓将已矣。

崔濮阳兄季重前山兴

秋色有佳兴，况君池上闲。悠悠西林下，自识门前山。
千里横黛色，数峰出云间。嵯峨对秦国，合沓藏荆关。残雨



斜日照，夕岚飞鸟还。故人今尚尔，叹息此颓颜。

终南别业

中岁颇好道，晚家南山陲。兴来每独往，胜事空自知。
行到水穷处，坐看云起时。偶然值林叟，谈笑无还期。

李处士山居

君子盈天阶，小人甘自免。方随炼金客，林上家绝徂。
背岭花未开，入云树深浅。清昼犹自眠，山鸟时一啖。

韦侍郎山居

幸忝君子顾，遂陪尘外踪。闲花满岩谷，瀑水映杉松。
啼鸟忽临涧，归云时抱峰。良游盛簪绂，继迹多夔龙。讵枉
青门道，故闻长乐钟。清晨去朝谒，车马何从容。

丁巳田家有赠

君心尚栖隐，久欲傍归路。在朝每为言，解印果成趣。
晨鸡鸣邻里，群动从所务。农夫行饷田，闺妇起缝素。开轩
御衣服，散帙理章句。时吟《招隐》诗，或制《闲居赋》。
新晴望郊郭，日映桑榆暮。阴尽小苑城，微明渭川树。揆予

